

مشتاق

صراط

۱۳۲۶

طبعه و محل اداره :

دهال اوغلنده امنیت
سندونی جوارنده
شنگول یقوشنده
۲۵ نومبر

سلک زده موافق آثار
جدید مع المنونیه
قبول اولنور

درج ایدله بن آثار اطاده اولنور

ریس ، فلسفه ، علوم ، حقوق ، ادبیات تاریخ ، سیاسیات ، و بالخاصه احوال و رشوه اسلامیه بحث ایندرو هفته ده بر نشر اولنور.

صاحب و مؤسسی :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

آبونه بدلی

در سعادتده نسخہ سی ۵۰ بارہ در
قیرله دن مقوا بورو ایله کوندریلیرسه سنوی
۲۰ غروش فضله آلنر

سنه لکی	التی آیلانی	
۶۵	۳۵	عالمک عثمانیه ایچون
۶۵	۳۰۵	روسیه
۱۷	۹	سائر عالمک اجنبیه
		غروش روبله فرانق

عدد : ۱۸۲

۱۱ ربیع الاول ۱۳۳۰ پنجشنبه

۱۶ شباط ۱۳۲۷

یدنجی جلد

ایدرک صرف مادیته مشغول ایدرسهك هیچده اكريلك یوقدر . شو قدر واركه: بو عصرك ذكاسنه قارشى توحیده یاخود تعبیر آخرله وحدت وجوده یول بولق احتمالی یوقدر . مطلقا معنوی قبول ایتك مجبوریتنده یز . چونكه سلسله وجودی شو مشهودیمز یعنی محسوسمز اولان علمدن عبارت اولارق قبول ایدرسهك اصل معنویتده ، فردیتی تجاوز ایتمین حقیقتك علم محسوسمزدهكى صفحاتی توحید ایچون طبیعی داروینسك مسلكنى اختیار ایتكین باشقه بر چاره یوقدر حالبوكه حقیقته قائل اولانلرك یعنی معنویت یول بولانلرك نظرند بو مسلك (هرنه قدر ظاهر اعتباریله دوعربلغنى تسلیم ایتسهر بیاه) باطن اعتباریله دوعربلغنى اولمادینى میدانده در . حقیقتی انكار ایتك کوشی انكار ایتك کیدر . تنقید محقق مقصدی اول بو آدمیره معنوی قبول ایتدرك ایچون ینه فن دأره سنده تنویردر . برکده ، هنر بولره معنوی قبولده فکر و اعتقادلری مضطر ایتکدر . طبیعیدرکه: فکر و اعتقادلری معنوی قبولده اصراره باشلارسه صوکره حقیقت ، چهره سنی کندى کندینه کوستر . او وقت وحدت وجوده (توحیده) یول بولش اولورلر .

شمدى شو مقاله مزده بز به پك مختصر اولارق بر نبذه جك حسب حال ایدم !

اولا حقیقته دوعربلغنى یول بولا بيلمك ایچون اهل تصوفك (وحدت وجود) مسلكنى قبول ایتك مجبوریتنده یز . [استطراد — تصوف بزجه قدیم یونانیلرك (سوف: صوف) کله سندن مستربدر . فلسفه دیمكه تصوف و حکمت دیمك بو خصوصده مترادف کیدر .

فلسفه یاخود حکمت و تصوفك اوچ مرتبه سى واردر . بر مرتبه سى مادیاتك معنویاته یعنی محسوساتك عقلیاته منقلب اولدینى حد فاصله قدر اولان قسم مادیسیدر . زمانزده بوکا حکمت طبیعیه و کیمیادینه یور . بر مرتبه سى سید (ما فوق الطبیعیات) ده نیلان معنویاتدرکه: حوصله عقلت کفایت اید بیلدیكى مقام ربوبیته قدر اولان قسمیدر . دیگر بر مرتبه سید مقام ربوبیتدن یوقاری قلبك حضورنده درکه: قلب شمس حقیقته قارشى بوراده مستهلك وفانیدر .

عصریمزك ذکای مطلقى قارشوسنده فلسفه یی ایکی قسم دیمکدن باشقه چاره یوقدر .

قسم اول حکمت طبیعیه ، قسم ثانى حکمت حقیقیه در . حکمت طبیعیه مادیاتی ، حکمت حقیقیه مقام ربوبیته قدر معنویاتی جامعدر . تصوف ایسه مقام ربوبیتدن یوقاریدر . بو سببله (من عرف اه کل لسانه) مضمون منینى تصوفه ، (من عرف اه طال لسانه) مضمون منیفیده حکمت حقیقیه یه اشارتدر . [استطراد بتدی . شمدى ، شو محسوساتمزدهكى مادیات ایله عقلیاتمزدهكى معنویاتك كافة صفحاتی (یستلونك عن الروح قل الروح من امر ربى) آیت کریمه سندهكى (امر) ك تظاهراتندن باشقه برشی دکدر . (امر) ایسه ایستر خلق معناسه فعل اولسون ، ایستره جوهر الطیف بسیط معناسه اولسون مقام ذاندن مقام ربوبیته تنزل ایدن بر صفتدر .

صوکره بولرك اخلاقی یوزندن مملکت محو اولسون ، اویله مى ؟ عجباً یوقدر آیات قرآنیه . واحادیث نبویه . وامثال تاریخیه میدانده ایکن ، « اختلاف امتی رحمة واسعة » حدیث شریفك موقعی نه درجه قایلر ؟ وبومعنايه دلالت ایدرمی ؟ شیمدی بوراسنى تدقیق ایدم : اولاً بر جوق ائمه طرفندن بوحدینك اصلی اولمادینى درمیان ایدلمشدر . حدیث شریفك اصلی اولدینغه قائل اولانلر آره سنده بر اتفاق تام یوقدر : کیمیسى بلا سندن تخریج اولمشدر دیر ، کیمیسى سندی وار دیر ، کیمیسى امتدن مراد صحابه در دیر . انجق برشیده اتفاق اولنیورکه اوده بورادهكى اختلافدن مراد فرقه فرقه اولق معناسه دکدر . بلکه حرف و صنایعده . علوم و معارفده اختلاف ایتك ، یعنی بر ملتى تشکیل ایدن افرادك هر بریسى شعبات علوم و صنایعدن بر شعبه یه سلوك ایتك وبو صورتله یکدیگرینك احتیاجاتی تهوینه چالشقم عین رحمتدر . کذلک مجتهدین کرامك اختلاف ایتسى عین رحمتدر . ایشته حدیثك سختی سندیك رب اضطرابدن خالی اولدینى تسلیم ایدلدىكى تقدیرده معناسى بودر . اصلکه موافقه قاضى عضد حضرتلری بومعنايه پك آچیق بر صورتده بیان ایتشدر . بو حدیثك معناسى بویله اولدینى کتاب ایله اثبات ایتمه مزى طلب ایدن واعظه قارشى ایشته کتاب !

حقیقت حال بو صورتله ایضاح ایدیلرك بو حدیثك ده معناسى ا کلاشیلدقن صکره خاتمه کلام اولق اوزره تکرار ایدره زكه واعظ اوله جق کیمسلر چوق ، ودوعربلغنى دوشونسولر ! بیلیر بيلماز بوکى شیلری اورتیه آتهرق ملتى حفره انقراضه سوروکله یه جکارینه ملتیر اوزرنده جارى اولان قوانین آلمیه یی کندى ملتیرینه کوزلجه ا کلاتسونلر ! وهر ملتك مابه الحیانی ، اتحاد و اتفاق سایه سنده اولدینى بیلیرسونلر ! یوقسه ملتى ارشاد ایدم جکزر دیرکن بيلمیه رك مرثیه انقراضى اوقوماسونلر ! ایشته دین قرده شلری ! یوقاریدن برى ویریلان ایضاحاتدن ا کلاشیلورکه بر ملت آره سنده تفرقه دوشورمك او ملتى محو ایتك دیمکدر . بز هر نه زمان اتحاد و اتفاق ایدره ك چالشقم ایسه ك بتون دنیایى حیرتله دوشورن اعجوبه لر کوسترمشز . فقط هر نه زمان که آره مزه تفرقه دوشمش ، اوزماندن اعتباراً اجانبك اغزینیه آتيلمشز . آنك ایچون دائماً اتحاد ، هر وقت اتفاق ، اسباب تفرقه دن شدتله مجانبت ایتملى یز . الهادى هو الله .

افسکلی

احمد حمدى

تنقید محقق ایکنجی جوانی

امیر محمدی انصاری

محترم ! بز تنقید محقده موسیو ارنست هه کهل کى مادیوندن اولان بر ذاته و پیرولرینه قارشى خواب تحریرنده بولنش ایدك . بو آدمرك تبعات فیهلری بوتون بوتونه دوعربلغنى دکلسده بوتون بوتونه اکرى ده دکدر . حنى ، ديه بیلیرزكه فکر و اعتقاد مزى معنویتدن تجرید

عقیده اسلامیة نك تنزیه و تقدیسی مقام ذاته عا ددر كه : (تفكروا فی آلاءه ولا تتفكروا فی ذاتاه) مضمون منیفی بو مرتبه در . شو حالده تنقید محقق مقصدی مادیونی حكمت طبیعیه دن یوقاری حكمت حقیقیهیه دوغری ارتقایه متوجه در .

روح بر جوهر بسیط الطفدر . تمثیل و نهایت تشبیه ایتك قابلیتند در . (تمثیل) حكمت حقیقیهیه (تشبیه) حكمت طبیعیهیه عا ددر و حك تنزید در . روح مقام تمثله جنس ملائك و حسیاته مراتبی استحاله صورتیه سیر ایده ایده و مقام تشبیهده جنس حیوان و نبات و معدنیاتی سیر ایده ایده كافه ممكناتی احتسوا ایتش اولارق انسان صورتند تكامل و اصطفا ایتشدر . علم و معلومات دهنیل مك شانندن اولان روحك وجود اصنافی صورتند کی كافه صفحات و تظاهراتی نفسنده جمع ایدن انسان البته سیر ایده رك ا كتسا و ا كتساب ایتدیکی مراتبك كافه سی مشهوری اولدینی ایچوندر كه (و علم آدم الاسماء كلها ...) نص حلیلی ایله تكريم مقامه قائم اولمشدر . اولمشدر (و اذ قلنا للملكة اسجدوا ...) نصیلده اهل سمواته حك سجده كاهی (و اذ قال ربك للملكة انی جاعل فی الارض خلیفة ...) نصیلده اهل ارضه حك خلافتناهی اولمشدر . بناء علیه انسانك حقیقی شخص متعینی کییدر . (ارواحكم اشباحكم) مضمون منیفی بودر .

روح ، استعداد کاملی اولان ماهیت انسانه كوره مذکور مقام تمثله کی هیولاسنه (نفس ناطقه) ، و مقام تشبیهده کی شخصه انسان اطلاق اولونور .

شوقدر جق تفصیلاتمزدن آ كلاشلدی كه : مادیاتده كره ارضمزله كافه اجرام وقضا و معنویاتده طبقات ارواح كافه سی ، او الطف بسیط اولان امر ربانی كه روحدر ، اور و حك تكامل و اصطفا طریقله مشیمه معنویتده زمان و مكانه ملابس اولمایه رق و ساحه مادیته احیان و دهوره و مكانه ملابس اوله رق بر طاقم صفحات معنویه و مادیه سندن باشقه برشی دكلدر .

تكرار آ كلاشلدی كه : سلسله موجوداتك منبعی روح اولدینی حالده استخالات اربعیه تبعاً تسلسل انقطاعی صورتند معدنیات ، نباتات ، حیوانات و بونلرك جنسلی تحتند انواع و افرادده سیر ایدرك عاقبت صوك استعداد و قابلیت اولان انسان صفتنی حائز اولمشدر . تسلسل انقطاعی - معنویتده روح متسلسل صفحاتی مادیته منفرد كو سترمه سی دیمكدر .

تكرار ا كلاشلدی كه : (یسئله من فی السموات ومن فی الارض كل یوم هوفی شأن) منظوق جلیلی اوزره قدرت فیاض مطلق مستمراً كالاتی تكامل و اصطفایه معروض اولان صفحات روحده تجلی ایتدی ریهور . عزیزم ! ایشته شو صورتله یعنی تفكر تكونی صورتیه تریب كائنات جناب مرتب حقیقتك عنایت الهیه سی اولان شوصورت طبیعیهده امكانپذیر اولمشدر . كافی در صانیرم . تنقید محقزمده بیلدرلدیکی اوزره

یقینده نشرینه موفق اوله جغمز (تخلقوا ...) نام کتابمزله ، تحریر و نشرینه موفق اولاجغمز (وحدت وجود) کتابنده تفصیلاتی كوروله جكددر .

مابعدی كل جك هفته تنقید حق محرری

عمر فاروقی

مبعوث نصل اولمی؟

حاکمیت ملیه اعتباریه بالعموم افراد ذ کور عناییه یا مبعوث ، یا منتخب ثانی ، یا منتخب اول اوله بیلورلر .

بو اوج صنفك هر برینك اوصافی واردر ، وظائفی واردر . مبعوثلرك بالکزر اوصافندن بحث ایده جكزر . چونكه وظائفی قانون اساسیده مصرحدر .

منتخب ثانیلرك هم اوصافندن هم وظائفندن بحث ایلیه جكزر . چونكه بونلرك اوصاف و وظائفی حقهده صراحت كافیه قانونیه یوقدر .

منتخب اوللرك ایسه بالکزر وظائفی بیان ایده جكزر . چونكه بك جزوی بر قاچ نوع مستثنالردن ماعدا ذ کور ورشید عنانیلرك كافه سی منتخب اولدر . او مستثنالردخی قانونده محرردر .

مبعوثلغه عا د اوصاف اوج نوعدر : اوصاف قانونیه ، اوصاف علمیه ، اوصاف عملیه و اخلاقیه در .

اوصاف قانونیه قانون اساسیده و انتخاب قانوننامه سنده مصرح اولدینی جهته او اوصافندن بحث ایتیه جكزر . اوصاف علمیه شونلردر :

۱ - علوم شرعیه و بالخاصه اصول فقه جلیله عالم اولمیدر . چونكه باشلوجه وظیفه لری تنظیم ویا اصلاح قوانیندر . بونلره باشلوجه مأخذ ایسه علم جلیل فقه اولمیدر . بو قواعد فقهیه نك مأخذ قوانین اولمی قانون اساسیمزده دخی قبول ایدلش بر حقددر .

۲ - بالعموم قوانین حاضره و سابقه ذواته واقف اولمیدر . تاكه بونلردن محتاج تبدیل و تعدیل اولانلرینی و مقسدا تبدیل و تعدیل اولانلردن نه کی قائده ویا ضرر تولد ایتش اولدینی محاکمه و تدقیق ایده بیلسون .

۳ - دولتك سابقاً و حالاً هر شعبیه عا د تشکیلاتی بیلور اولمیدر . تاكه بونلردن زائد ویا نقصان اولانلرینی ادراك ایله اصلاحنه مقتدر اولسون .

۴ - دولتك واردات و مصارفات عمومیه سنی و وارداتك منابع طبیعیه و وضعیه لری و تكالیف موجوده نك حین وضعلرنده اصول شرع اسلامدن و دول متمدنه نك بو باید استعانه ایتدکری قوانین و قواعد اقتصادی دن هانکیلرینك مأخذ ایدلرینی و دولته نه وقت و نه کی بر مجبوریته فوق العاده ایله وضع و طرح ایدلرینی قانونی و تاریخی بر علم ایله بیلمی .

۵ - دول متمدنه نك قانونلرینه ده یا عینلرینی ویا ترجمه لری کوروب